

ПАТРИОТ ШҰЛЫШАН ПАША ИКТЕШЛАЛТЕ

Кажне ийын пургыж тылзын тунемме да туныктымол верлаште патриот арня-влак эртаралтыт. Тений тиде паша Ленинградм блокаде гыч утарымылан, туня мучко палыме Михаил Тимофеевич Калашниковын юбилейжылан пӧлеклалтын. Ондакысе семьянак, вич арня жапыште ятыр паша ышталте.

Икымше арнян тунемше-влакым Ленинградм утарымылан 70 ий эртыме дене палдарышна: чапланыше герой-ола нерген выставке эртаралтын, историй уроклаште фронтовой хронике, литератур уроклаште Тая Савичеван дневникшым шымлыме, урок деч вара кумылан-влаклан Ленинград нерген кинон ончаш йӧным ыштыме. Тиде арнянак кажне тунемше тӱрлӧ творческий тагасымашке ушнен кертын: "Туня сар деч посна" сӱрет конкурс, поэт-фронтовик-влакын почеламутыштым лудмаш, сочинений-влакым возымаш.

Кокымшо арням тазалыкым пенгыдемдаш да шуараш кучылтна. Эн ончыч шахматист-влак тагасышт да лицейысе эн тале-влакым ойырышт, вараже нуно шке мастарлыкшым районшым ончыктышт.

Кугурак класслаште тунемше-влак волейбол дене тагасышт. Ончыко 10 "б" классын командыже лекте. Ӱдыр-рвезе-влак шке мастарлыкшым луйкалымаштат терген ончышт. Эн сайын 10-шо класс гыч Артем Лежнин ден Елена Иванова луйкаленыт. Спорт да тазалык арня ече дене ӱчашымаш дене мучашласте. Эн талыже-влак районсо ечыгорнышто тагасеныт да сай лектышым ончыктышт. Класс шагатлаште да уроклаште Сталинград крдалмашым шарныктарыме, урок деч вара кинон ончыктым. А рушарня Сталинград крдалмашлан пӧлеклалтше "Зарница" модмашым мый, ОБЖ предметым ту-



ныктышо Валерий Александрович Подбойкин, эртарышым. Тушко тунгалтыш классла гыч тунемше-влак погыненыт ыле. Ятыр конкурс лийын: ончыч музейыште викторине лие, йоча-влак тӱрлӧ саркуралым ончен, вара автоматм рончен-погеныт, винтовко дене луйкаленыт, гранатм кышкеныт, сусыргышо-влаклан полшышым пуэныт да издер-тер дене коштыныт. Ече денат тагасышт, лум пургыжешат шылын модыч. Кечывал кочкышым акрет годсо шӱчан самовар воктене пӱртӱс лонгаште ыштышт. Носныт гынат, самырык юнармей-влак мӧнгӧ червер чуриян да куаныше пӧртылыч, шарнымашеш ятыр фотом ыштышт.

Кумшо арнянат тагасымаш умбакыже шуйнен. Кугурак класслаште тунемше-влак армийысе тагасымаш-влакым эртен. Нуно турникыште, тиреште, автоматм палымаште моштымашым ончыктышт. Герой-антифашист-влакымат выставкылаште ужаш лийын, нунын нерген шарнымаш кече эртаралте. Литератур уроклаште да лумын ямдылыме тагасымаште нунын нерген почеламутым лудыч. Марий фронтовик-поэт-влакынат почеламутыштым ятыр тунемше лудо, сеныше-влак районшкат миеныт. Тиде арнян тунгалтыш школын тунемшыже-влак

боевой чап тоштерыште лийыныт, сар нерген ятыр уым пален налыныт.

Нылымше арня Афган мландыште порысым шуктымшлан 30 ий теммылан пӧлеклалте. Выставкылаште Морко салтак-влакын илыш-корнышт, сар деч варасе пашашт ончыкталте. Чуваший гыч артист-афганец толын ыле. Тудо сарын нелылыкшым муро гоч ончыктыш да каласкалыш. Тыгак икмыняр жап ончыч "Беркутын" салтакше-влак афган корным ушештареныт ыле. Адакшым 10-шо кадет класс нунын деке Йошкар-Олаш шке миен да полиций музейыштат лийыныт. Арня патриот муро конкурс дене иктешлалте. Визымше-индешымше класслаште тунемше-влак военный муро-влакым муруныт, шке мастарлыкшым ончыктышт.

Визымше арня "Непобедимая, легендарная..." выставке дене почылто. Совет да Россий армий нерген чыла уроклаште ойленыт, тудын историйже дене палдареныт, шинчымашым пайдареныт да моштымашым ешареныт. Кажне класс боевой листокым ямдылен, 47 самырык сӱретче выставкыш шке пашажым пуэн.

Иктешлымаш 21 февральыште эртыш. Тиде кечын лицейышке уна-влак толыч, пашанам шымлышт да аклышт.

Районын военный комиссарже Р.Габдулхаков выпускник-влаклан офицерын профессионалже нерген каласкалыш, тунемаш пураш шонышо дене посна пашам эртарыш. А лумышпо классыште тунемше-влак ятыр вучымо татым шарнаш туналыт - тиде кечын нуно юнармий радамыш пурешт. Рын тошкалын лектыч, товатлыме мутым ойлышт, вара юнармейский гимным мурышт. Тидын деч вара "А ну-ка, парни" конкурс эртаралте. Тиде гана 18 тӱрлӧ тагасымаш лийын. Кажныже шке мастарлыкшым ончыктен: Саша Архипов - эн виян улмыжым, Елена Александрова - эн писе улмыжым, салтак илышым да пӱсӧ уш-акылым 10 "б" классын командыже ончыктен, медицине полшышым пуымаште 10 "а" класс ойыртемаштын, а 10 "в" класс викториныште да музыкальный конкурсышто сеген. "Салтак илыш, военный службо армийыште лӱддымылыкым да тазалыкым, шинчымашым да моштымашым, чулымлыкым да икте-весым умылымашым йодеш. Коркатово лицейыште тунемше-влакын чыла тидыже уло. Тугеже нунылан почмо элым аралаш ӱшанен пуаш лиеш", - иктешлен ойлен тагасымашын тун судьяже, Морко районын военный комиссарже Р.Габдулхаков.

Тыгерак эртен Коркатово лицейыште военно-патриотический мероприятийлан поян иктылзаш. Туныктышо ден тунемше-влаклан, кӧ тиде пайремым эртараш полшен, ача-ава-влакат кугу таум каласат, да самырык тукумым ончыкжымат патриот шӱлышеш куштымшлан тун верым ойыраш туналыт манын ӱшанен кодыт.

Валерий ПОДБОЙКИН,
ОБЖ предметым
туныктышо

Снимкыште: лицейын тоштерештыже.